

《佛說阿彌陀經》補充資料

- 一、《華嚴經》阿僧祇品第三十：「爾時，心王菩薩白佛言：世尊！諸佛如來演說阿僧祇無數、無量、無邊、無等、不可數、不可稱、不可思、不可量、不可說、不可說不可說。」
- 二、聲聞：1. 須陀洹：入流，斷三界八十八品見惑，當來人天七番生死。
2. 斯陀含：一往來，斷欲界前六品思惑，再來欲界受一番生死。
3. 阿那含：不來，斷欲界後三品思惑，不再來欲界受生死。
4. 阿羅漢：無生，斷上八地（色界、無色界）七十二品思惑，不來三界受生死。
- 三、三不退：1. 位不退：不退回凡夫，圓教初信位。
2. 行不退：不退回二乘，圓教十信位。
3. 念不退：念念向無上道、念念與性德相應，圓教初住以上。
- 四、《稱讚淨土佛攝受經》：「又舍利子！若有淨信諸善男子或善女人，得聞如是無量壽佛無量無邊不可思議功德名號、極樂世界功德莊嚴；聞已思惟。若一日夜，或二或三，或四或五，或六或七，繫念不亂。是善男子或善女人臨命終時，無量壽佛，與其無量聲聞弟子、菩薩眾俱，前後圍繞，來往其前，慈悲加祐，令心不亂；既捨命已，隨佛眾會，生無量壽極樂世界清淨佛土。」（唐玄奘法師譯）
- 五、《悲華經》卷四：「所有眾生，若聞我聲，發願欲生我世界者，是諸眾生臨命終時，悉令見我與諸大眾前後圍遶。我於爾時，入無翳三昧。以三昧力故，在於其前而為說法。以聞法故，尋得斷除一切苦惱，心大歡喜。其心歡喜，故得寶實三昧。以三昧力故，令心得念即無生法忍。命終之後，必生我界。」

- 六、《印光法師文鈔》上冊卷一，p263 L2 - L7〈復袁福球居士書〉：「所言念佛三昧，說之似易，得之實難，但當攝心切念，久當自得。即不能得，以真信切願攝心淨念之功德，當必穩得蒙佛接引，帶業往生。事一心，若約蕩益大師所判，尚非現世修行人之身分，況理一心乎？以斷見思惑，方名事一，破無明證法性，則名理一。若是內秘菩薩行，外現作凡夫，則此之二一，固皆無難。若實係具縛凡夫，則事一尚不多得，況理一乎？」
- 七、《印光法師文鈔》下冊卷三，p708 L-1 - p709 L-5〈西方公據序〉：「果能受持阿彌陀經，則知極樂世界，無有眾苦，但受諸樂。依正莊嚴，種種功德。阿彌陀佛，現在說法，光壽無量，誓願洪深，諸上善人俱會一處。皆以修此信願念佛之多善根福德因緣妙行而生。其有不真為生死，發菩提心，以深信願，持佛名號。以期近則登不退地，遠則圓成佛道者乎。而況六方諸佛普利眾生，釋迦本師得無上道，無不資始乎此，而歸極乎此。良以一切眾生皆具佛性，是心作佛，是心是佛。由其以果地覺，為因地心。故得因該果海，果徹因源。法門之妙，妙無以加，乃華嚴末後歸宗之一著，實如來大暢本懷之圓銓也。有緣遇者，即是多善根因緣。」
- 八、眾生修行有五種根性：1. 凡夫種性 2. 二乘種性 3. 菩薩種性 4. 不定種性 5. 外道種性。